



Broj/Број: 01,02,03,03/11-05-208/10
Sarajevo/Сарајево, 22.6.2010.

KOLEGIJIMA OBA DOMA PARLAMENTARNE SKUPŠTINE BiH

ZAJEDNIČKOJ KOMISIJI ZA EVROPSKE INTEGRACIJE

KOMISIJI ZA VANJSKE POSLOVE PREDSTAVNIČKOG DOMA

**KOMISIJI ZA VANJSKU I TRGOVINSKU POLITIKU, CARINE, SAOBRAĆAJ I KOMUNIKACIJE
DOMA NARODA**

GRUPI PRIJATELJSTVA ZA SUSJEDNE ZEMLJE

MINISTARSTVO VANJSKIH POSLOVA BiH

Izveštaj sa 8. konferencije predsjedavajućih parlamenata zemalja članica "Proces saradnje u Jugoistočnoj Evropi", Antalya, Turska, 5.-8.6.2010.

Poštovani,

u radu 8. konferencije predsjedavajućih parlamenata zemalja članica "Proces saradnje u Jugoistočnoj Evropi" učestvovala je delegacija PSBiH u kojoj su bili: gosp. Beriz Belkić, zamjenik predsjedavajućeg Predstavničkog doma PSBiH, gosp. Hamza Karčić, savjetnik gosp. Belkića, gosp. Aljoša Čampara, sekretar Zajedničke službe PSBiH, gđa Dubravka Ištuk-Pavlović, prevodilac, gđa Senaida Bešlagić iz Odjela za protokol i bilateralne odnose i gosp. Dejan Vanjek, šef Odjela za saradnju s međunarodnim organizacijama.

Konferencija je održana u organizaciji Velike narodne skupštine Turske koja od juna 2009. do jula 2010. godine predsjedava "Procesom saradnje u Jugoistočnoj Evropi". Podsjećamo da je predsjedavanje ovim regionalnim forumom zvanično preuzela Crna Gora na samitu šefova država i vlada "Proces saradnje u Jugoistočnoj Evropi" (SEECF), održanom u Istanbulu 23.6.2010.

U skladu s radnim naslovom konferencije "*Perspektive uspostavljanja parlamentarne skupštine*" za tematski predložak konferencije postavljena je daljnja institucionalizacija regionalne saradnje na tragu 7. konferencije predsjedavajućih parlamenata SEECF-a, održane u aprilu 2008. godine u Sofiji, na kojoj je potpisan Memorandum o razumijevanju kojim su određeni solidan okvir za daljnju parlamentarnu saradnju u regionu i aktivnosti Regionalnog sekretarijata za parlamentarnu saradnju (RSPC). Navedenim Memorandum o razumijevanju i Smjericama Regionalnog sekretarijata za parlamentarnu saradnju u Jugoistočnoj Evropi pokrenuta je postojeća infrastruktura parlamentarne dimenzije SEECF-a koju čine predsjedavajući parlamenata, imenovani nacionalni koordinatori zemalja članica i Regionalni sekretarijat za parlamentarnu saradnju sa sjedištem u Sofiji (RSPC). Na osnovu u međuvremenu prikupljenih iskustava ocijenjeno je da je strukturirani okvir za saradnju znatno efikasniji, te je slijedom toga predložen tekst završne deklaracije kojim je predviđeno uspostavljanje parlamentarne skupštine SEECF-a po uzoru na druge regionalne inicijative i

međunarodne organizacije, čime bi se ojačala parlamentarna dimenzija SEECP-a kao najznačajnijeg regionalnog foruma.

Deklaracija predstavlja refleksiju opredjeljenja zemalja članica za jačanje regionalnog okvira za saradnju s ciljem uspostavljanja parlamentarne skupštine SEECP-a. Tekst Deklaracije tehnički je pripreman konsultacijama nacionalnih koordinatora, da bi potom bio usvojen na političkom nivou, odnosno da bi ga usvojili predsjedavajući parlamenata zemalja članica SEECP-a. U tom smislu konferencija je rezultirala jednoglasnim usvajanjem teksta Deklaracije kojim se na bazi zajedničkog historijskog naslijeđa ističe potreba jačanja međukulturalnog dijaloga i saradnje u procesu evropskih integracija i prepoznaje potreba daljnjeg jačanja saradnje u svrhu regionalne stabilnosti, prosperiteta i razvoja za dobrobit svih zemalja članica.

Deklaracijom je, također, pozdravljena politika otvorenih vrata NATO-a i podvučen značaj MAP-a (Akcioni plan za članstvo) kojim se zemlje aspirantice približavaju integraciji u ovaj vojni savez; ohrabruje se nastavak ekonomske saradnje u regionu i pozdravljaju COSAP, CEI i ostali regionalni projekti koji djeluju radi realizacije ciljeva kompatibilnih ukupnim nastojanjima i filozofiji SEECP-a.

Važno je naglasiti da je, na zahtjev delegacije PSBiH, u tekst Deklaracije uvršten i zahtjev za hitnom liberalizacijom viznog režima za preostale zemlje zapadnog Balkana koje do sada nisu bile obuhvaćene ovim procesom.

Prilog:

- Deklaracija usvojena na 8. konferenciji predsjedavajućih parlamenata zemalja članica SEECP-a (predlažemo da se priloženi tekst Deklaracije dostavi svim poslanicima i delegatima).
- Godišnji parlamentarni program Jugoistočne Evrope za period 2010.–2011.

Izvještaj sačinio
Dejan Vanjek
šef Odjela za saradnju s međunarodnim organizacijama

Dostaviti:

- naslovu
- Kolegiju Sekretarijata
- Sektoru za međunarodne odnose